

III CERTAME DE POESÍA TORRE DE CALDALOBA (CONCELLO DE COSPEITO)

O Concello de Cospeito e a Asociación Recreativa Cultural San Martiño de Pino, convocan, en colaboración con Culturalia GZ o III CERTAME DE POESÍA TORRE DE CALDALOBA, co fin de poñer en valor este monumento histórico, promover a súa conservación e, asemade, fomentar a creatividade e estimular a creación poética.

BASES

PRIMEIRA

Poderán concorrer ao certame todos os autores e autoras que o desexen, calquera que sexa a súa finalidade, sempre que presenten as súas obras en lingua galega.

SEGUNDA

Establécense as seguintes categorías:

1. Menores de 18 anos.
2. De 18 anos en adiante

TERCEIRA

Establécense catro premios en función das categorías:

- Para a categoría 1:
 - 1.º premio- Un lote de libros e unha tablet
 - 2.º premio- Un lote de libros e un libro electrónico
- Para a categoría 2:
 - 1.º premio - 1.500 € máis a publicación da obra no prazo de un ano, contado a partir do fallo do xurado para poemarios que teñan unha extensión mínimo de 300 e máximo de 600 versos .



- 2.º premio - accésit a publicación da obra no prazo dun ano, contado a partir do fallo do xurado para poemarios que teñan unha extensión mínima de 300 e máximo de 600 versos

Así mesmo, os gañadores recibirán unha figura conmemorativa e un diploma.

Para o caso dos nenos e nenas menores de idade, para recibir o premio, o gañador/a estará acompañado polo seu pai, nai ou titor.

CUARTA

1. Os poemas presentaranse escritos en lingua galega.
2. Terán unha extensión máxima de sesenta versos para menores de 18 anos.
3. Terán unha extensión mínima de trescentos versos e máxima de seiscientos versos para maiores de 18 anos.
3. Presentaranse escritos a ordenador, a dobre espazo, por unha soa cara, con tamaño de letra 12, tipo "Arial".
4. Deberán ser orixinais, inéditos e non premiados en ningún outro concurso ou certame literario. A súa temática, métrica e rima será libre.
5. Non poderán participar os gañadores das dúas últimas edicións do Certame de Poesía Torre de Caldaloba.
6. O incumprimento dalgunha destas condicións na obra premiada significaría a anulación da adxudicación, procedendo o xurado a formular de novo a proposta de adxudicación ou declarando deserto o premio.

QUINTA

O prazo de entrega remata o 3 de outubro de 2020 ata as 23:59 horas.

Os traballos enviaranse ó seguinte enlace web <https://www.concellodecospeito.es/caldaloba-poesia> en formato pdf na que se indicará o lema que distinga o traballo ,co contido da obra e categoría a que se presenta.



A continuación enviarán por correo ordinario un sobre pechado no que figurará o lema que distinga traballo , e no que no seu interior irá o nome e apelidos do autor/a , DNI, enderezo, teléfono, poboación de residencia. No sobre debe indicar:

Concello de Cospeito

Certame de poesía (indicar o lema que distingue o seu traballo)

Categoría a que se presentan.

Avda. Terra Chá nº29, Feira do Monte,

27377, Cospeito, Lugo

O xurado poderá eliminar por defecto de forma as obras presentadas que non se axusten ao disposto nesta base, unha vez requirida a documentación que falte e dado o preceptivo prazo de dez días para a corrección de erros (art. 68 da Lei 39/2015 de 1 de outubro).

Non deben por os datos do remitente no pdf da obra a presentar, senón os traballos serán nulos.

É de destacar que, soamente se abrirá a plica do traballo premiado.

SEXTA

De acordo coa Lei 15/1999, de 13 de decembro, de protección de datos de carácter persoal, os datos dos participantes serán tratados de forma confidencial co fin de garantir e protexer as liberdades públicas e os dereitos fundamentais das persoas físicas, a súa honra e intimidade persoal e familiar.

SÉPTIMA

Os/as autores/as premiados/as convocaranse ao acto de entrega dos premios o día 12 de decembro do 2020 na sede do local social municipal de Pino.

OITAVA



Formaran parte do tribunal con voz pero sen voto os seguintes, o Presidente do tribunal: Alcalde-Presidente do Concello de Cospeito, o Secretario do tribunal: a Concelleira de educación e cultura do Concello de Cospeito, os vogais do tribunal, o Presidente da Asociación Recreativa Cultural San Martiño de Pino, a Secretaria da Asociación Recreativa Cultural San Martiño de Pino ou persoas en quen deleguen. O fallo será dado a coñecer con data 27 de novembro do 2020 a través dos medios de difusión e comunicado ás persoas gañadoras, entregando os premios nun acto convocado a tal fin con data 12 de decembro do 2020.

O xurado con voto encargado de avaliar os traballos presentados estará composto por persoas de recoñecido prestixio no ámbito literario, a súa composición será dada a coñecer xunto ca emisión do resultado. O xurado poderá declarar desertos algún ou todos os premios motivando para elo a súa resolución (art. 35 da Lei 39/2015 de 1 de outubro).

NOVENA

As obras orixinais quedarán en poder do Concello de Cospeito que se reserva os dereitos de explotación do traballo, produción, distribución, exposición, transformación, tradución ou calquer outro tratamento posterior, sempre sen ánimo de lucro.

As obras non premiadas poderán ser devoltas no prazo dun mes despois da proclamación das persoas premiadas. De non ser así, serán destruídas.

DÉCIMA

Os concursantes, polo feito da súa participación, aceptan en todos os seus termos as presentes bases. Calquera outra circunstancia non prevista nas mesmas, será resolta polo tribunal.

